



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 459 - 462. De traditis bonis in villis Hainem, Bennanhus, Evergoteshusen et Cathinghus intra pagos Suilbergi, et Hlisgo.

**urn:nbn:de:hbz:466:1-36114**

Ab anno  
1010 vs-  
que 1014  
regnante  
Heinri-  
co II.

§. 459.

Tradidit ibed pro filio suo bernhardo I familiam in *heimem* (x).

§. 460.

Tradidit uolcmaruf laicuf I familiam in *bennanbus* (y).

§. 461.

Tradidit bucco laicuf XL iugera et I iurnalem . . . . . (z).

§. 462.

*dum* in eodem comitatu successisse, quippe qui anno 1031 comitatum suum tenuit in pagis Huuetigo et Tilichi, vti diplomata non vna sunt indicio.

De villa  
Heinem  
in pago  
Suilbergi.

- (x) Villa *Heinem* erat, teste Sarachone abbate, in pago *Suilbergi*. Eam ob causam intelligimus designari vicum *Heina*, cuius, in praefectura Wickensen siti, ecclesia spectat ad ecclesiam in vico Deersen, qui est sub inspectione Beuerensi in Principatu Wolferbuttelensi. Probe ergo hanc villam discernere debes 1) a vico *Heinde*, dynastarum Walmodiorum loco, inter praefecturam Woldenberg in Hildesheimensi episcopatu, 2) ab *Heinsen* in episcopatu Paderbornensi non procul ab oppido Brakel 3) ab *Heinsen* ad Wiseram in praefectura Polle, 4) ab *Heinsen* seu *Heine* non procul a monasterio Lockum, 5) ab *Heisen* in praefectura Liebenburg in Hildesheimensi episcopatu, 6) ab *Heiningen* in eadem praefectura, vbi virginum sacrarum sedes et monasterium O. D. Augustini floret, 7) ab *Heinbolte* in episcopatu Paderbornensi, ad dominos de Druchtleben spectante, 8) ab *Heine* seu *Heineberg* villa desolata, olim in principatu Corbeiensi non procul a castro Blanckenau obuia, et 9) ab *Heina* in Landgraviatu Hassiae, vbi olim celeberrimum monasterium, regula S. Benedicti secundum ordinem Cisterciensem addictum, florebat. *Ibed*, qui in villa nostra *Heinem* bona quaedam donauit, videtur esse *Ibed*, qui supra §. 450. bona quaedam tradiderat in pago Wikanauelde, vti l. c. videre poteris.

De villa  
Bennan-  
bus.

- (y) Villa *Bennanbus* tribuitur ab abbate Sarachone pago *Suilbergi*. Significatur vicus desolatus *Benbusen*, qui olim existit non procul ab vrbe Einbeka in Grubenhagenico Principatu versus meridiem. Haec villa eadem videtur, quam anno 1328 Ernestus dux Brunsvicensis appellat *Bennesen* in Addendis productis num. 286 seq. *Volcmarus* ergo laicus, qui in eadem villa familiam donauit, ad Northemensem gentem spectasse, et filius Bernhaldi III fuisse, videtur. De eo confer §. 104. not. (1).

De villa  
Euergotes-  
busen  
in pago  
Hliso.

- (z) Sequitur in Sarachonis Registro B. et P. A. C. villa *Euergotesbusen*, quam Saracho refert ad pagum *Hliso*. Ex ordine eiusdem Registri apparet, villam *Euergotesbusen* fuisse eandem villam, quae in codice nostro legi non potuit, et ad quam sita *Bucco* dona quaedam tradidit. Putamus autem, per villam *Euergotesbusen* designari vicum *Ebergötsen* in principatu Gottingensi sub praefectura Radolfsbusen, si eousque pagus Liso procurrit. Porro arbitramur, *Bucconem* ad progenitores comitum de Seartfeld et Lutterberg esse referendum, et fortasse ipsius abbatis Corbeiensis *Walbonis* vel fratrem vel nepotem fuisse. Cum enim *Walbonis* nostri abbatis auus probabilissime fuerit *Burchardus* comes in pago Hliso, *Bucconi* nostro nomen, quod est diminutivum *Burchardi*, inditum fuisse videtur, ab auo suo *Burchardo* petitum. Confer supra §. 437.



## §. 462.

Tradidit herdaguf pro matre sua imman in *cathingbus* (a) iugera LX et II iurnalef.

et gubernante Corbeiam Walhohne.

## §. 463.

Tradidit uffā pro filiis sororis sue thadan et boson XXX iugera et I mancipium in *holtbus*. (b)

## §. 464.

(a) Villa *Cathingbus* erat sita in pago *Suilbergi*, teste Sarachone in Registro. In eadem regione, in qua olim pagus *Suilbergi* erat, hodie nullus existat vicus, qui maiorem similitudinem habeat cum villa *Cathingbus*, quam vicus *Conbusen* seu *Coensen*, cuius ecclesia est filia ecclesie in *Huldarsen*. Ipsa olim sita erat in comitatu *Dassel*. In Traditionibus *Fuldensibus* hic locus vocatur *Cbusinbuson*. Forſan hæc villa quoque adnumerata fuit bonis *Widikindeis*, quorum quædam in eadem regione fuerunt conspicua. Cum itaque *Herdegi* nomen inter *Widikindeos* dominos fuerit crebrum, propterea supra §. 104. not. (u) *Herdagum* ad stirpem *Widikindeam* retulimus.

(b) Villam *Holtbus* fuisse partem pagi *Huuetigo*, in Registro prodidit memorie *Saracho*. In ea supra (§. 293) *Rothardus* quidam vnam familiam tradidit. Ipsa est vel maior vel minor vicus *Holtbusen*, non procul a rupe *picarum* situs, quæ vulgo adpellari solet *Exterenstein*. An vero bona, in hac villa tradita, ad *Uffonem*, seu potius ad maritum sororis suæ, spectarint, id ipsum, non liquet. Supra (§. 157) *Uffo* quidam pro fratre suo *Bosone* quædam tradidit, in eodem pago *Huuetigo* sita, ad *Drohem* villam, quæ a villa nostra *Holtbus* non procul abfuit. Hunc inter progenitores *Uffæ* eiusque nepotum *Bosonis* et *Thadan* extitisse, nobis probabile videtur. Fortasse sororius *Uffæ* erat *Herimannus*, qui in *Vita Meinweri* p. 535. num. 58. nominatur *Herimannus de Holtbusen*. An hi domini stirpis fuerint *Widikindeæ*, nullo cum quoquam liber certare pignore, siquidem id satis est incertum. Diploma *Heinrici* episcopi *Paderbornensis* (§. 293) adductum docet, *Imiconem*, *Ottomem* comitem ac *Bosiconem fratres* inter *Saxonie* nostræ nobiles relatos esse. Alioqui certe *Otto* dignitate comitis gauisus non fuisset. Ad progenitores *Bosiconis*, *Otonis* atque *Imiconis* spectasse *Thadan* et *Bosan*, *Bosiconis* nomen et villa *Holtbusen* nobis persuadere possunt. Quamvis enim vinculum eorum genealogicum certo nondum ostendere queamus, indicandum tamen id esse duximus, ut is, cui sunt subsidia historica, de eo cogitet. Fortassis futuro tempore plura in lucem prodibunt documenta, quibus hæc dicta lucem vel lucrari vel afferre poterunt. Atque, ut quædam ad hæc contemplanda porro adiungamus, supra §. 2 *Bosa* et *Benno* appellantur fratres; ac §. 3. tradit *Buto comes* quædam sita in pago *Huuetigo*; immo §. 26. memoratur quidam *Bozo* cum *Echerto*, probabiliter duce *Saxonie*, inter testes. Adde, quod §. 35. tradit quidam *Uffico* bona quædam in pago *Leri*, in quo familia *Widikindea* bona hereditaria tenuit; et §. 52 est *Uffo* quidam inter testes, cum in pago *Auga* quædam traderentur; nec non §. 62 quidam *Uffed* bona quædam, in eodem sita pago *Auga*, largitur; ac §. 92. *Uffo* inter testes apparet, cum quædam darentur in pago *Helli* *Saxonico*; quidam §. 100. *Uffico* bona tradit in pago *Wikanauelde* in villa *Cogarden*, in qua domini quidam e stirpe *Widikindea* quædam largiti sunt, reperitur §. 104 villa *Uffenleua*, ab *Uffone* quodam probabiliter ita dicta; quidam §. 157. *Luidolfus* appellatus est *Uffo* et frater *Bosonis*, ut distingueretur a *Luidolfo* duce *Saxonie*. Memoratur §. 159. *Boso*, et §. 161. *Bozo* cum *Uffone* inter testes apparet, cum quædam traderentur sita in pagis *Lengi* et *Auga*; porro §. 162. appellatur *Uffico* pater *Adi*, *Tadi* ac *Frederici*, qui bona tenuerunt in pago *Logne*; tum §. 192. testis est *Bozo* et §. 190. *Uffo*, cum quædam traderentur in pagis *Scotelingen* et *Thiadmelli*; tandem §. 197. reperitur